

佛

坪

廳

志

創脩佛坪廳志序

夫志者史之遺也記方域之事所以備攷覽示勸懲而為行政之資者豈徒供輜軒採擇哉佛坪舊為蓋洋地道光初始設官守閱時少而典章未備蒞政者日勞於簿書

佛坪廳志

序

一

期會志竊有未遑焉壬午夏余承乏茲土索掌故茫無以應心憂甚客乃告余曰文獻無徵何以為治子其舉此廢典乎余唯唯又以寡聞為慮爰廣諮故老搜輯往事歷一載就所得者類次為七篇曰地

理曰建置曰田賦曰官師曰人物  
曰選舉曰雜記自顧淺陋無文未  
能博覽冊籍聊存大畧已耳以云  
信而有徵足備採擇則可若云如  
許西子之覈而有要五泉子之詳  
而不繁者又夢寐之不及矣奚止

在霄壤哉後之君子諒其愚而繼  
正焉則余之素心也夫

光緒九年歲次癸未仲秋朔日陝  
西漢中府佛坪廳撫民同知蜀東  
劉煥謹序



佛坪廳志目錄

卷首

疆域圖 廳城圖

一卷 凡三篇

地理第一

建置第二

田賦第三

二卷 凡四篇

官師第四

佛坪廳志

目錄

人物第五

選舉第六


雜記第七





佛坪縣志

圖



佛坪廳志卷之一

同知蜀東劉煥漢植甫纂輯

地理第一

佛坪處萬山中向皆深林密箐人跡罕到歷代沿革不能詳攷今以地望準之東北接終南山禹貢終南惇物紀之雍州西南近華陽禹貢華陽黑水惟梁州則佛坪在雍梁之交無疑矣秦漢以來其地屬右扶風及漢中郡三國以後屬扶風郡及梁州至唐屬稷洋二州宋屬京兆興元二府元屬奉元興元二路明屬西安漢中二府 國初因之

佛坪廳志

卷一

一

嘉慶間設蓋洋縣丞於袁家庄轄佛坪屬西安府道光五年廢縣丞割蓋洋地設廳治改屬漢中府此則沿革之大畧也

疆域廣四百二十里袤二百四十里東三百六十里至寧陝廳南一百三十里至九池壩交洋縣界西二百八十里至洋縣北二百七十里至蓋屋縣治凡六十地

城關一地餘詳四鄉

扼南山險要之區踞蓋洋適中之所東蒲西壻挾二水以分流北雍南梁爲兩州之界劃不可謂非形勝地矣分野或曰在井鬼之分余昧於星學不敢臆斷域內山川難以

備載今載其大者有名者

秦嶺由秦州來入廳境橫亘西北又東南經寧陝商州入

藍田古云八百里秦嶺是也史記云秦嶺為天下大阻即

終南山之南麓唐司空曙詩云南登秦嶺頭回首始堪憂漢關青門遠商山藍水流

三湘遷客去九陌故人遊孟貫詩云嶢嶻安得青山路化

從此思鄉淚雙垂不復收歐陽詹詩云南下斯須隔

為平地行蒼苔留虎跡碧樹障歐陽詹詩云帝鄉北行一

溪聲欲過一回首踟躕無限情步掩南方悠悠烟景兩

邊意蜀客秦人各斷腸

太白山在廳西北一百里面隸郿縣背屬佛坪其神乃金

天之精南人崇祀者曰水府三官俗有大太白二太白三

佛坪廳志

卷一

二

太白之稱中有三泉歲旱禱雨輒應唐柳宗元有太白山

祠記其畧云雍州西南界於梁其山曰太白其地極寒冰

暑乖候則禱之厲病崇降朱鐸詩云終南列萬山孤巖入

則禱之咸若有答焉者雲裏雪花點翠屏秋

風吹不起何景明歌云我聞太白橫西域百里蒼蒼見寒色靈

迢迢直上天瑤宮玉殿開雲烟千盤萬折不到頂石壁鐵

鎖空高懸陰巖皚皚積古雪絕壑長松幾摧折鳥道斜穿

劍閣雲龍潭倒映峨眉月高僧出世人不知飛仙許孫荃

凌空笙鶴隨洞天福地在咫尺悵望塵海令心悲

太白高云太白高高積雪赤日青天互明滅太白高高入

紛嶙峋太白高森萬

象凌空我有盧敖杖

冠山在南城外羣峯聳秀狀如冠蓋

興隆嶺在廳南六十里彎環崇聳下臨深溪風籟泉聲交響不斷

鼇山在廳南七十里奇險峻峭上出重霄衆山來朝勢若星拱

父子嶺在廳西北六十里高低頓折石骨稜稜相傳秦時有父子在嶺治道以迎漢王不遇皆投嶺死故名

赤土坡在廳西北七十里兩腋峯巒崛起中稍平行一線羊腸土色皆赤

老君嶺在廳西北一百一十五里幽險崇隆綿亘天際相

佛坪廳志

卷一

三

傳老子曾遊此

天華山在廳東二百里一峯突起高聳入雲諸山環衛有若侍從

正河源出廳東財神嶺滙萊子灘塔耳河諸水經城北西流十里合壻水河入漢

壻水河相傳因神仙唐公房盡室昇天其壻不與投水中故名今水源在廳西十里都督鎮少南楊家溝口三泉並湧形大如斗西經黃柏塬二郎壩又南流至城固慶山下入平原繞斗山而下入漢江

黑水河在廳西北五十里源出扇子山北流經沙梁出整  
屋黑水峪入渭

太白河在廳西六十里源出太白山南流經古子梁合壻  
水入漢

牛尾河在廳西一百八十里源出太白山其流自東而南  
至洋縣沙壩合壻水入漢

椒溪河在廳東一百八十里源出秦嶺東南流合蒲河又  
東流入漢

蒲河在廳東南二百五十里源出秦嶺南流合椒溪河至

佛坪廳志

卷一

四

白沙舖會子午河入漢

駱谷北口屬整屋南口屬洋縣中屬佛坪高巖深澗長幾

五百里路屈曲凡八十四盤蜀姜維伐魏魏鍾會寇蜀曹

爽攻漢中晉司馬勲伐趙唐德宗僖宗幸興元皆由此杜

氏通典云漢中至長安取駱谷路凡六百五十二里玉海

云南山大谷凡六駱其一也杜甫詩云

二十一家同入蜀  
惟殘一人出駱谷

自說二女鬻背時

韓琮詩云

秦川如畫柳如絲去國還家  
一望時公子王孫莫來好嶺

花多是

于武陵詩云

亂峯連疊嶂千里綠  
幾幾入蜀路如

斷腸枝

岑參酬成少尹駱谷行云

聞君行路難惆  
悵臨長衛豈不

風多獨意採芝

哀臨風發浩歌

憚險艱王程刺相拘憶昨蓬萊宮新授刺史符明主仍賜  
衣價值千萬餘何幸承命日得與夫子俱攜手出華省連  
鑣赴長途五馬當路嘶按節投蜀都干巖信縈折一徑何  
盤紆層冰滑征輪密竹礙隼旗深林迷昏旦棧道凌空虛  
飛雪縮馬尾烈風摩我膚峯攢望天小亭午見日初夜宿  
月近人朝行雲滿車泉澆石罅坼火入松心枯亞尹同心  
者風流賢大夫榮祿上及親之官隨板輿高價振臺閣清  
詞出應徐成都春酒香且用俸錢沽浮名何足道海上好  
乘章孝標駱谷行云捫雲裏棧入青冥鞭馬鈴騾傍日星  
仰踏劍稜梯萬仞下緣冰岫沓千尋  
山花織錦時聊看澗水彈琴不暇聽  
若比爭名求利處尋思此路却安甯

山陬水滲之間鄉地遼濶易以藏奸則道路關隘不綦要  
哉是得書

東鄉凡十一地距城五里曰塔耳河路尙平夷四十里曰

佛坪廳志

卷一

五

二嶺子二嶺相對中露平曠有義倉九十里曰東河口兩  
山夾峙急流若注有義倉一百一十里曰大東河一百二  
十里曰龍滄坪俱層巒疊嶂路極盤紆一百八十里曰袁  
家庄崇山環列中開平疇路達寧陝興安最爲要區有義  
倉一百八十里稍南曰小南一百八十五里曰東嶽殿俱  
蛇徑嵯峨有義倉二百一十里稍南曰西岔河接壤洋縣  
牛角壩山路叢雜素稱阨塞有義倉二百一十里曰三郎  
溝豐草長林人烟稀少二百四十里曰陳家壩爲甯陝四  
畝地界山徑皆崎嶇難行有義倉

南鄉凡七地距城七十里曰草坪地僻人雜一百里稍西曰九池壩磴路盤曲一百一十里曰太古坪沿山傍水道亦崎嶇有義倉一百三十里曰窰窩子地極阻奧一百四十里曰葍壩一百六十里稍東曰沙窩子俱險峻幽僻有義倉一百七十里曰南龍潭山峯環轟石徑陡斜

西鄉凡十六地距城五里曰小寨子平坦無陂十里曰都督鎮出山要路來往人雜有義倉二十里曰釣魚臺山徑屈曲四十里稍北曰厚畛子山深路險有義倉五十里曰黃草坪五十里稍北曰耳扒俱地荒人野六十里曰古子

佛坪廳志

卷一

六

梁路極幽險有義倉七十里曰二十四壩七十里稍北曰大蟒河八十五里稍北曰陰家坪九十里曰黃柏塬一百里稍北曰八斗河一百三十里曰小澗溝俱山徑紛歧險遠而僻素稱要隘一百五十里曰二郎壩與岐山寶鷄毗連向爲會匪淵藪最宜防範一百六十里曰觀音峽路險人稀一百八十里曰牛尾河通寶鷄鳳縣留壩林幽谷暗伏莽易生

北鄉凡二十五地距城二十里曰魚洞河四十里曰花耳坪五十里曰西大山七十里曰上清水河八十里曰倒江

源一百里曰太平河一百里稍西曰沙梁子一百一十里  
曰廟溝一百二十里曰劉家溝俱山險路窄一百三十里  
曰板房子烏道難行有義倉一百三十里稍西曰呼雷溝  
一百五十里稍西曰响溝俱山水沸騰聲如雷鼓一百五  
十里曰長坪一百六十里曰下清水河一百六十里稍東  
曰黑屹塔一百八十里曰虎豹河一百九十里曰磨子溝  
俱地曠人雜易滋伏莽二百二十里曰小玉澗山徑陡折  
有義倉二百二十五里曰小玉澗西社二百六十里曰黃  
草坡二百七十里曰杜家墳二百七十五里曰雙廟子二

百八十里曰北龍潭俱路甚詰屈二百八十里稍東曰張  
口石三百里曰玉皇廟俱與甯陝蓋屋毗連遠谷深林防  
範宜密

地凡六十其日中爲市集而交易者僅十有四地城內一  
四七日集都督鎮黃柏塬東河口以二五八日集厚畛子  
二郎壩二嶺子太古坪袁家庄則三六九日集而大嶙河  
板房子葭壩西岔河陳家壩俱與城內集日同

風俗刁悍好訟輕生吉凶四禮雖無僭侈之端然亦未合  
於典豈徒有司責哉士大夫講明而移易之可矣他若歲

時令節無闕風化之要概不錄

### 建置第二

古人因地建城因城建署而學校廟祠亦類及之蓋所以治民而事神者非可苟焉已也佛坪城道光五年同知景梁會始建東西二百四十二步南北一百三十四步周長三百九十五丈三尺四寸基濶二丈頂濶一丈二尺門三東曰景陽西曰豐樂南曰延薰其上俱有譙樓自同治元年藍逆擾後城圯待修城外東北隅舊有護城堤歲久亦圯水患堪虞光緒八年同知劉煥重修之

佛坪廳志

卷一

八

廳署在城正中道光五年同知景梁會建同治元年燬於賊惟大堂並東西門房存同治六年署同知呂瑞玉重建二堂光緒九年同知劉煥修復三堂及左右廂時三堂亦缺補葺之顏曰恕德堂

巡檢兼司獄署在廳署右

分防巡檢署在東鄉袁家庄道光五年改設舊爲蓋洋縣丞署隸西安府

倉獄驛遞皆隨廳署設者卽附之

常平倉在廳署左舊有五廩同知景梁會建儲蓄被一萬

石同治元年兵燹後僅存一廩現儲苦菽三百石有奇  
義倉十六所俱光緒八年新建在廳城者一餘在四鄉前見  
共儲稻穀一千一百二十五石苦菽二千零四十石  
獄在廳署二門內西

驛遞額馬二馬夫一

訓導署在迎秀書院西咸豐三年建時同知李夢愚始請  
設學也

佛坪營守備署在司獄署西道光五年建兵額舊設馬步  
守兵共二百五十三名今裁爲五十矣

佛坪廳志

卷一

九

城守把總署在守備署右

經制外委署在城東隅今圮

額外外委署在西門內今圮

分防千總二一在厚軫子一在黃柏塬

義學二城南北各一道光二十六年署同知朱念祖置舊  
有民捐地畝歲取租錢一百六十餘千以半爲義學經費  
半爲書院山長脩金兵燹後屢遭水患地就荒蕪歲入城  
半僅敷義學用

迎秀書院在文廟西咸豐元年同知李夢愚建兵燹後傾

場無存光緒九年同知劉煥重修

按迺秀書院膏火本銀一千兩係光緒二年前中丞譚由司籌撥之款光緒七年春署同知李廷瀛請領到廳發商生息每兩月利一分五釐滿年共收息銀一百八十兩

文廟舊在城東南隅同知景梁曾建後傾圮道光十八年署同知潘政舉改建城東北隅工未竣罷去至道光二十六年署同知朱念祖始告成有記  
其畧云佛坪舊有文廟始建於城之東南隅地勢卑濕不數年而木朽墻傾道光十八年潘君樹人權篆茲土乃謀所以遷之卜基於城之東北隅工未竣去丙午冬余來署篆始鳩工葺事余維聖人之道如太和元氣流行四時不可一日息也我朝文教昌明二百餘年士生其間莫不爭自琢磨以成爲通經致用之學苟不維新是圖則奚以崇先聖育英才而副國朝崇儒重道之意乎

佛坪廳志

卷一

十

廳城地處南山新設於兵燹之後雖僻在遐荒不若通都大邑之人才接跡然亦未嘗無奇偉之士出其間繼自今多士之衣冠俎豆於中者入孝出弟守先待後時以經術不明爲恥出洛閩之說上溯洙泗博文約禮經明行修則宗廟之美百官之富行自見之矣他日出其所學以仕於朝固可以覘其忠孝之節愷悌之施卽守其所學而修於鄉亦不失爲醇謹之儒正直之士豈徒區區掇拾科第云爾哉

文昌祠在迺秀書院內道光二十九年同知李夢愚建光緒九年同知劉煥重修

關帝廟在東關道光七年同知景梁曾建

佛爺廟在關帝廟後碑碣無存莫攷所自居民相傳佛坪之名實自此始云